

**UGOVOR**  
**O JAVNOJ NABAVCI RADOVA**  
**“Molersko – farbarski radovi i radovi na vodovodnim instalacijama”**

**UGOVORNE STRANE:**

1. **FAKULTET ZDRAVSTVENIH STUDIJA UNIVERZITETA U SARAJEVU**, Bolnička br. 25, Identifikacioni broj: 4200672760007, koga zastupa dekan doc. dr. Arzija Pašalić (u daljem tekstu: **Naručilac**)
- i
2. **“VH-GRADNJA” d.o.o. Fojnica**, Šetalište bb, 71270 Fojnica, ID broj: 4236030390006, PDV broj: 236030390006, kojeg zastupa direktor Vehbija Muminović, (u daljem tekstu: **Izvođač**)

**PREDMET UGOVORA**

**Član 1.**

U skladu sa članom 90. Zakona o javnim nabavkama BiH („Službeni glasnik BiH“, broj 39/14)“ proveden je postupak dodjele ugovora putem direktnog sporazuma. Predmet ovog ugovora je izvođenje radova „**Molersko-farbarski radovi i radovi na vodovodnim instalacijama**“, za potrebe Fakulteta zdravstvenih studija Univerziteta u Sarajevu, nakon provedenog postupka javne nabavke putem direktnog sporazuma. Ponuda Ponuđača **“VH-GRADNJA” d.o.o. Fojnica**, broj: 034/19 od 21.03.2019. godine ocijenjena je kao prihvatljiva, i ista čini sastavni dio ugovora.

**CIJENA ZA IZVOĐENJE RADOVA**

**Član 2.**

Ukupna cijena za izvođenje molersko - farbarskih radova i radova na vodovodnim instalacijama za potrebe Fakulteta zdravstvenih studija Univerziteta u Sarajevu, prema ponudi Ponuđača **“VH-GRADNJA” d.o.o. Fojnica**“ od 21.03.2019. godine iznosi:

**5.901,00 KM**

slovima:

pethiljadadevetstotinajedan i 00/100 KM.

U cijenu nije uračunat PDV. Izvođač radova će zaračunati PDV i iskazati u skladu sa zakonskim propisima, a iznosi 1.003,17 KM.

**NAČIN PLAĆANJA**

**Član 3.**

Plaćanje cijene za izvođenje ugovorenih radova **Naručilac** će izvršiti u roku do 30 dana od dana urednog završetka ugovorenih radova. **Naručilac** će izvršiti plaćanje cijene za izvođenje radova žiralno, na transakcijski račun **Izvođača** radova. **Naručilac** ne prihvata avansno plaćanje i traženje sredstava osiguranja plaćanja. Cijena za izvođenje radova obračunavat će se po 1 m<sup>2</sup>.

**NAČIN IZVOĐENJA RADOVA**

**Član 4.**

**Izvođač** radova se obavezuje da će u skladu s ugovorom preduzeti mjere zaštite podova i namještaja, te izvršiti bojenje zidova i plafona poludisperzivnom bojom u tonu po izboru **Naručioca** radova.

# ROK I MJESTO ZA IZVOĐENJE RADOVA

## Član 5.

Izvođač se obavezuje da će obezbijediti izvođenje radova u roku do 7 dana od zaključenja ugovora.

Mjesto izvođenja radova: prostorije Fakulteta zdravstvenih studija u objektu „Zavod za saobraćaj Građevinskog fakulteta“, adresa Stjepana Tomića br 1, 71000 Sarajevo.

## UGOVORNA KAZNA

## Član 6.

Kod ugovora sa naknadom svaki ugovarač odgovara za materijalne nedostatke svog ispunjenja. Ukoliko Izvođač ne ispuni ugovorenu obavezu u roku, ili u skladu s odredbama ugovora, dužan je Naručiocu platiti za svaki dan zakašnjenja 1%, a najviše 5% od ukupne vrijednosti predmeta nabavke.

## ZAVRŠNE ODREDBE

## Član 7.

Ukoliko jedna ugovorna strana ne ispuni svoju obavezu, druga strana može, ako nije što drugo određeno, zahtijevati ispunjenje obaveza ili, pod uslovima predviđenim Zakonom, raskinuti ugovor prostom izjavom, ako raskid ugovora ne nastupa po samom zakonu, a u svakom slučaju ima pravo na naknadu štete.

Osnovano, tužilac u tužbi potražuje naknadu štete zbog raskida ugovora po kome tuženi nije platio na ugovoreni način dužni iznos u određenom roku i pored poziva tužioca da to učini.

Naručilac nema pravo raskinuti ugovor zbog nedostatka djela ako prethodno nije zahtijevao od izvršioca da nedostatak ukloni, osim u slučaju kad obavljeni posao ima takav nedostatak koji ga čini neupotrebljivim.

## Član 8.

Na sva eventualna pitanja koja nisu regulisana ugovorom, primjenjivat će se Zakon o obligacionim odnosima.

## Član 9.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova, konačno rješenje će donositi Sud u Sarajevu.


## Član 10.

Ovaj ugovor sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

## Član 11.

Ugovor stupa na snagu danom obostranog potpisa ugovornih strana.

**IZVOĐAČ RADOVA**  
**“VH-GRADNJA” d.o.o. Fojnica**

Direktor  
  
Vehbija Mumihović

Broj: 02-2-5/19  
Sarajevo, 29.03.2019. godine

**NARUČILAC RADOVA**  
**Fakultet zdravstvenih studija**  
**Univerzitet u Sarajevu**  
**Dekan**

  
Doc. dr. Arzija Pašalić

Broj: 05-2-448/19  
Sarajevo, 01.04.2019. godine